

DISSERTATIO MEDICA

DE

# FEBRIBUS

In Genere;

*Quam,*

FAVENTE SUMMO ET VERO ARCHIATRO,

*Consensu Incltyti Medicorum in Academia*

*Tubingensi Ordinis,*

PRÆSIDE

MAGNIFICO UNIVERSITATIS p.t. RECTORE

DN. ELIA RUDOLPHO CAMERARIO,

Phil. & Med. D. ac Prax. Prof. Publ. Ordinario,

Confiliario & Archiatro Würtembergico felicissimo, Præceptore ac Patrono suo æternum colendissimo,

*Publico ac Solenni Examini*

*submittit*

JOHANN-HENRICUS Osell/

Tubingensis, Med. St.

IN AUDITORIO MEDICO

*Die xi. Martii*

Horis solitis.

TUBINGÆ,

JOHANN-CONRADI REISL,

Anno MDCXCII.

**VIRIS**

**PER-ILLUSTRI,**

**Consultissimo, Nobilissimo, Amplissimis, Nobilibus,**  
*Prudentia Longoque Rerum Usu Praclarissimis,*

**Inclytæ Civitatis TUBINGENSIS**

**DNO SATRAPÆ,**

*Domino suo Gratioso,*

**DNO PRÆFECTO,**

**DNNIS CONSULIBUS,**

**DNO ARCHIGRAMMATEO ac reliquis**  
**Senatorii Ordinis Dominis Assessoribus**  
**Gravissimis,**

*Dominis Patronis ac Fautoribus suis submisso*  
*ac officioso cultu Venerandis*

**THESES HAS MEDICAS**

**facras esse vult**

*Cliens devotissimus*

**JOHANNES HENRICUS Osell/  
Tubingensis.**



Σ. Θ.

## THES. I.



Ebris à ferveo, ferbeo Latinis, quibusdam à februo, purgo; Græcis πύρ, πυρετός, ab igne dicitur; Hebræi à conflagratione, accensione, ardore, exustione, igne ossium *Nomen* ipsi imponunt.

II. *Historiam Morbi*, quæ non malè præmittitur explicationi ipsius, quia generica hæc est consideratio, non recensemus; nec enim absque speciali enumeratione symptomatum, huic vel illi speciei propriorum, determinatorum, commodè fieri posset. Varius namque & diversus febrium microcosmicam machinam sive œconomiam turbandi modus est.

III. *Ideam* formaturi ad morbos intemperiei (nec ad ullam morborum classem commodius referri potest febris) calidæ referimus febres, ad Universales. Universalitatem potissimum Subiectum, sed & actiones lædi solitæ, ætas, sexus, anni tempus quodvis febribus obnoxium docet. Vocant Varii variè, calorem naturalem auctum, in igneum conversum, calorem extraneum, calorem p. n., ardorem accensi sulphuris, incensionem, inflammationem, ebullitionem. Nos dicimus calorem intemperatum, vitiosum, disproportionatum, p. n., actiones lædentem, partes edendis actionibus ineptas reddentem. Non verò totalis caloris aut calidi immutatio est, hinc morbum, non mortem cudit; sicut in omni morbo quid naturalis remanet. Non morbum, sed bellum contra morbum, remedium ad sanitatem esse qui dicunt, ponunt quod universale non est, & hoc posito consequentiam nectunt invalidam.

IV. *Diversi* hîc sunt *Authores*, potissimum, quia diverso modo febrim considerant, ejusque Essentiam determinant. Distincta autem distinctos etiam requirunt conceptus; distincta nomina. Sed consideramus nos Febrim ceu descripserunt & delinearunt si non omnes, tamen plerique, tanquam p. n. incensionem non solum sanguinis, aliorumque humorum, sed etiam



solidarum corporis partium, inflammationem aut ebullitionem, hinc & nomina in plerorumque moratorum populorum linguis, etiam Chaldaica, Syriaca, Arabica, Æthiopica, Persica febres sortitæ sunt præsertim continuæ, à calore ac similibus vehementioribus motibus. Qui *calorem effectum febris* dicunt, non essentiam, hanc verò (ecce loquendi modum qui causandi rationem dicit) fieri à sanguinis aut lymphæ aut utriusque stagnatione, causam ponunt non essentiam seu Ideam aut p. n. ium classem, & quidem causam non universalem, sed particularem, quæ sola toti febris negotio non sufficit, & sæpè absque febre in corpore est, causam non proximam, sed inter quam & febrim alia adhuc proximior intercedit. Et dum ipsi fervorem sive ebullitionem sanguinis, si adest, effectum febrim dicunt, per febrim non morbum, sed causam aliquando, non semper, præsentem nec proximam, ut ex ipsorum traditis patet, intelligunt. Similiter, qui dicunt, in febribus *non duntaxat causas incipere virtutem suam exercere*, cum dolor sive æstus p. n. auctus in partibus aut toto corpore percipitur; sed magis principia earundem desumi debere ab illa mutatione, cum vel subito exhalationes fuliginum in cute sistuntur, aut lymphæ ac sanguis circa glandulas miliarias ac tubulos excreantes stagnat, vel intra arteriarum oscula moram capeffit, aut circa glandulas, tubulos ac oscula vasorum à quovis irritamine constrictio spastica fit, ii, aut principium febris, non augmentum, non statum, aut morbum à febre diversum describunt, & causam ponunt, ut modò dictum, aliquando, non semper, præsentem; semper enim sanguinis uterque motus in febribus depravatus, irregularis, disproportionatus, plerumque auctus est. Dum enim perpetuus novus purpurei laticis ac lymphæ appulsus est, dum sanguis quaquaversum diverticula quærit motu non recto, sed cursu obliquo, ut loquuntur Illius sententiæ Patroni, utique motus modo jam dicto læsus est. Effervescentiam, sulphur accensum qui ponunt, qui *substantiam* dicunt *febrim*, ignem nempe, partem Archei deturbati ex indignatione, causalem struunt definitionem: Qui *motum*, vitium motus formale febris dicunt, inter causæ peccata enumerandum huc trahunt: Qui *calorem* nil nisi motum ipsum



indulantis particulas vel fixas volatilifent, vel volatiles figant & ita a reliqua massa separent, crasin massæ sanguineæ naturalem perverti & talem dyscrasiam sive talem heterogeneousitatem & non miscibilitatem partium componentium induci, ut exinde salium conatu concussa fermentatio p. n. excitetur, humores secundum omnes dimensiones agitari, ipsasque fibras solito celerius commoveri. *Dum, inquam, ita dicitur aut scribitur, dicitur id, quod nos ante & mox in seq. Imò &, qui lentum motum & tardio rem mixtioni sanguinis turbatæ junctum esse statuunt, tamen etiam secessionem, agitationem particularum dicunt, qui stagnationi sanguinis aut lymphæ actiones plures postliminio lædenti, sanguinisque motum periodicum remoranti adscribunt ortum febrium, dicunt stagnando lympham posse putrescere ac resolvi, quemlibet ferè humorem ex diversis inter sese pugnantibus particulis constantem, nisi impulsus fortior externus accedat, brevi tempore in noxium ac foetidum liquamen stagnando verti, aut fermentando acescere, dicunt humores mediante calore interno peditentim putrorem nactos ita perverti, ut etiam malignæ eorundem qualitates magis magisque incrementum capeffant, donec tandem omnia è diversis salibus aliisque texturæ particulis connexa ac humoribus innatantia corpuscula à se invicem dissolvantur ac colliquescant, fœculentæ autem, terrestres ac limosæ particule ex adverso magis indurentur; hinc particulis salium volatilibus, quæ aliis oleosis ligatæ sunt, dissipatis & facillimè è corpore avolantibus, reliqua volatilia acida arsenici instar rodentia corpuscula ab oleosis illis demulcentibus evoluta sanguini aliisque humoribus tamdiu impexa permanere, usque dum per febris alicujus impetum ad oscula arteriarum in hoc vel illo labascente viscere aut alia corporis parte projiciantur, dicunt virus in malignis vim suam mediante assiduo putrefaciente calore exerere, motum expressè ponunt irregularem & cursum obliquum. Vid. th. 4. & 5.*

X. *Huc ergò res & mens redit: Particulæ sanguinem sub amica harmonia, æquilibrata, temperie debita ac proportionē naturali, quæ primas qualitates, motum, texturam variam, indolem, figuram, situm, magnitudinem, continuitatem & alia*  
ad-



adjuncta constituentes æqualiter per sanguinem dispersæ atque divisæ, & impulsu æquabili, regulari agitatæ vel ab aëre intertexto, vel alia causa in motum aguntur inordinatum, irregularem, noxiæ hætenus subjugatæ à blandiorum compedibus liberantur, alias in sui motus leges cogunt, dum dictæ illæ particulæ inæqualiter miscentur, moventur, agitantur, turbantur &c. ut naturalis illa temperies in præternaturalem calidam, perversam totius transeat, moventur & movent in sanguine particulæ, ut plura subtilia effluvia corporis, quod calidum nimis tangitur, Subjectum tactus majori impetu, irregulariter, inordinate afficiant. (Efrænes seditiones, tumultuosas ebullitiones, orgasmos impetuosos aliquando absque febre in corpore non negamus)

XI. Nec tamen planè eadē sunt *Ebullitio*, *Accensio* & *Effervescentia fermentatoria*. *Istam* volumus, cū vel ab igne externo instar aquæ in lebetē ad ignem, vel ex interna agitatione ac motu ebulliunt sanguis, feri variæ species. *Illam*, cū sulphuræ inflammabiles, oleosæ particulæ luxuriantes ardorem concipiunt, accenduntur, inflammantur, flagrant. *Hanc*, cū ex congressu diversarum molecularum effervescentia illarum exurgit. A quibus autem principiis illa diversitas & effervescentia hostilis fiat, diversi ex hypothesium diversitate sunt Authores. Frigus, calor, ficcitas, durities, crassities, subtilitas, concavitas, fissura, hami, dentes, unci, varii anguli, coni, acumina, spicula, sulphur, &rius, fixum, volatile, oleosa, lixiviosa, nitrosa, alcali, acidum &c. adducuntur; quæ licet, præsertim duo postrema, rem eleganter explicant, nullum tamen est, quod specialissimè nisi principium & fermentum determinans accesserit, rem hîc omnem penitus exhauriat; Imò non à pugilibus hostilibus, sed amicis unionem intendētib; hanc contingere effervescentiam Quidam volunt.

XII. A Naturali statu dictis modis recedunt, à Consistentia ita distinctæ, Res *Spirituosa*, spiritus vitalis, animalis, *Fluente*, *Vaporosa*, *Halitosa*: *Humorosa*, sanguis, serum, lymphæ, liquores corporis naturales reliqui, mucus oblinens, humectans fibrillas totius, sanguis grumofus, extravasatus, pus, itidem (iis qui



qui hæc nomina non fastidiunt) bilis, melancholia, pituita, aliis etiam, ut mox præstabimus, forsan magis aridentibus nominibus exprimenda: *Solida*, fibræ carneæ, nerveæ, vasa, membranæ &c. viscera, glandulæ quæ hanc vel illam ex triplici classe dispositionem, crasin, poros, figuras, unitatem &c. p. n. er læsæ, calculi vermes, ab extra advenientes res variæ.

XIII. *Peccant, si ledendi modum consideramus, Quantitate Deficiente*, Spiritus, (nam licet non in debita quantitate præsentés tamen nimis attenuari, moveri, furere possunt: Alia enim est volatilitas, spirituaſcentia naturalis, harmonica, alia p. n. eccentrica, eſſranis, disproportionata) Lympha blanda, mitis, demulcens, roſcida. *Excedente*, vapores, halitus, flatus sub iſta efferveſcentia p. n. neceſſariò exurgentes, ſanguis & alii, etiam p. n. humores, & ſolida. *Qualitate* (non nudas non primas ſolum hîc volumus qualitates) *Irreducibili*: Spiritus aut ſanguis veneno tincti, infecti, ſive intus genito, ſive ab extra communicato, ſanguis grumofus, lac corruptum, pus. *Reducibili*: cum nimirum ſpiritus deviantes triſtibus, moleſtis ac perversis idéis turbantur, & flatus; præſertim ſanguis & humores reliqui (non enim nudam hos aquam volumus) tam nativi ſphæram craſeos & texturæ naturalem tanſgreſſi, quàm p. n. es, conſtantes potiffimum ex prædominantibus particulis calidis, ficcis, bilioſis, vel tenuibus, ſulphureis, reſinoſis, oleoſis, volatilibus, enixis, falſis, alcalicis, acribus, acidis, volatilibus variis, anguloſis nimium agitatis, auctis, exaltatis, à freno, compedibus liberatis, è vagina eductis, fui juris factis. Nec hæ ſolum, ſed & ſeroſæ, crudæ, indigeſtæ, torpidæ, inertes, in debita, volatili, ſpirituofa, baſamica textura deficientes, perversæ, vappescentes, mucosæ, viſcidæ, fixæ, craſſæ, cylindricæ, flexiles, lubricæ, fluitantes, glabræ, læves, nimis quietæ, globulis ſanguinis duriores haud rarò & acidæ, auſteræ, acerbæ, ponticæ, tartareæ, terreſtres, obſcuræ, acuminatæ, polyhedricæ particulæ poſſunt & ſolent peccare. *Motu Nimmio* ſpiritus & ſanguis cum reliquis ſuccis vitalibus, vel globuli ſanguinis, aucto inteſtino, progreſſivo, efferveſcentia, orgasmo, impetu enormontico. *Stagnatione*, ſubſiſtentia aliquando. *Loco*: dum ſubſiſtunt in hoc vel illo loco, in quo non ſubſiſtere, aut è



quo five per quem educi deberent, ut inter alia circa extrema arteriarum oscula glandulasque aut tubulos excreantes. *Fibræ* laxitatē, modò contractionē, constrictionē, spastico motu, *membrana*, partim denudatæ. partim sero mucoso, sed acribus particulis tincto obductæ sunt; *viscera*, *glandula* à temperie, textura, unitate variè recedunt: *Solidæ partes* vigore spirituofo inflante & balsamico, rore nutriente, lymphâ humectante, obliuente debitis destituuntur. *Non rarò causarum dictarum infelix mixtio fit.*

XIV. Talesque causæ primùm generari, secerni, cumulari, moveri possunt ac solent in *quavis corporis parte*, ut th. 7. diximus, ibique vel materiæ, vel efficientis, vel utriusq; culpa. Qui tam variorum in corpore nostro occursum considerat, varia talia subiecta & causas non mirabitur. Nec rarò *ab extra* tales causæ corpori communicantur.

XV. Ad dictarum verò Causarum vel generationem, vel secretionem, vel cumulationem, vel agitationem faciunt è Classe *Rerum Naturalium*: Temperamentum quodvis, ætas quævis, minùs tamen præ reliquis senilis, sexus quivis, habitus corporis quivis. *Non-naturalium*: (*Potissima hæc non rarò ordini Causarum Remotiorum, cui ab Authoribus inseruntur, se subducunt, & Proximiorum classi se intrudunt.*) Aër pluuius, turbidus, nebulosus, frigidus, mucidus, æstuans, fervidus, contagiosus, paludum, squalidorum carcerum, ergastulorum pulvere sordido, situ mucove obductorum, cœni, sordium per plateas stratarum, fime-torum, cadaverum, latrinarum, sepulchrorum, castrorum miasmatis inquinatus, effluuiis tinctus. Intempestiva corporis refrigeratio, subitanea ejusdem calore fervidi frigido aëri expositio; tempestates anni minus *ωσαύτω* se habentes, inæquales, & subitæ excedentes aëris mutationes sub talibus tempestatibus multum hic ponderis habent. *Cibi* quàm frequenter & in se, & quantitate, qualitate, præparandi, assumendi modo, tempore noxii fiunt, & febres creent, quotidiana testatur Experientia. Excessus & defectus hîc nocent. Cruditates quid valeant, notum est. *Potus* varia genera, aquæ impuræ stagnantes, noxiis mineralibus tinctæ, putridæ, vario alio modo peccantes, vina gene-



generosa in nimia quantitate ingurgitata, pendula, rancida, nimis sulphurata, acerba, austera, cerevisia non benè defæcata, turbida, acefcens, potus glaciati febres faciliè creant. Potum gelidum post vehementem motum, balnei aut laconici usum febres gignere multi experti sunt. *Motus* nimius, excedens, immodicus corporis semper præsertim post cibum, plurimum ad gignendas febres confert. *Quies* nimia immoderata, desidiosa, otium, sedentaria vita suum hîc calculum frequenter addunt. *Vigilia* excedentes morbo huic causam præbere sæpius solent. Nec minus *Somnus* limites transfiliens, protractus, profundus, mox à cibo institutus. *Retentæ* Evacuaciones consuetæ five naturales, five artificiales, alvus constipata, urina suppressa, sudor detentus, transpiratio insensibilis præpedita, salivæ expuitio, sputi excreatio, muci expectoratio oppressa, hæmorrhoides occlusæ, menses subsistentes, hæmorrhagia narium familiaris emanens, imò & flatus incarcerati, fonticuli occlusi, ulcera exarescentia, V. S. debite familiaris intermissa, exanthematum vel sudoris nondum ad finem perducti palindrome &c. frequentes febrium causæ sunt. *Evacuatio* etiam nimia retinendorum, sudores nimii, menses enormiter copiosi, sanguinis profluvium insigne, hæmorrhoides excessivè liberales, fluor albus, V. S. is abusus, Venus nimia idem aliquando præstant. *Animi pathemata*, præsertim ira tam aperta, quàm occulta, conclusa cum mœrore conjuncta, nec rarò tristitia, timor, trepidatio, terror, & gaudium febres cudunt. *Balneorum* usus minùs congruus tam humidorum in aqua simplici, medicata, minerali, vino &c. quàm siccorum in hac classe postremus non est. *Medicamenta* nimis calida, volatilia, spirituosissima, ptarmica, errhina, vomitoria, purgantia, sudorifera &c. interna & externa, & hæc quidem vel in se, vel ob adhibendi modum, quantitatem, abusum &c. minùs apta, *venena* per os assumpta, aut per alias vias corpori communicata, suum & hîc fortiuntur locum. *Præter Naturalium*: Inflammatio strietè sic dicta, frequenter aliquando causa, aliquando effectus, puris generatio, calculi, vermes, ventriculi varii morbi chylicationem lædentes, viscerum, glandularum affectus p. n. varii.

XVI. Est ergò Febris *Intemperies calida p. n. totius perdurans*,



*à sanguinis motu aucto, perverso, ebullitione, accensione, effervescentia oriunda, actiones varias insigniter ledens.*

XVII. *Differentias* enumerare, exponere & describere scopus noster, qui est in generali consideratione febrium subsistere, non concedit.

XVIII. *Quæ* ratio simul nos movet, ut diversarum specierum diversa non enumeremus *Signa Diagnostica*. Febri in genere pulsum celeriores, frequentiores, lassitudinem, labores, languores adscribunt.

XIX. *Quâ Prognosis*: Omnes febres periculum habent junctum, actiones enim insigniter lædunt, imminuunt, abolent, depravant, spiritus dissipant, obruunt &c. Despumare aliquando sanguinem non negamus, sed non semper fit, & cum fit illa despumatio, per morbum periculosum plerumque per labores non leves fit. Pulsus magnus est bonum signum, ut & urina coctionis signa præbens. Specialia prognostica in specialibus ponenda sunt febribus. Subdolæ enim dantur febres, in quibus nec modò dictis fidendū. Solvi solent per λύσις, & per νέσις. Hæc fit, cum sub illa particularū agitatione, motu, pugna, illud quod in corpore nostro (voca Naturam, ætherem consuetum, spiritum vitalem, Archeum, animam (modò heterodoxia absit) subordinationem, seriem causarum, aut aliter, quomodolibet) concurrentibus molecularum sanguinis motu, figura, adjunctis aliis & solidarum partium structura ac textura, ita agit, nè quid molliatur, nisi, quod toti fabricæ ejusque privatis commodis maxime accommodum est, illam sustentat, ab adversis liberat, tuetur, coquit, unit uniendas, segregat secernendas & excernit particulas per sudores, vomitus, expectorationes, ptyalismos, per nares, alvum, vesicam, abscessus. Si vincit, salutaris, sin succumbit, lethalis oritur Crisis. Nostris in oris Crises salutares sensibiles aliquando in febribus contingunt, aliquando non. Non rarò ipso critico die subitò absque excretionem vel abscessu solvuntur, aut ad minimum multum remittunt febres.

XX. *Methodus Medendi* docet potissimum ea, quæ in corpore adhuc sana sunt, conservare similibus, quæ verò p. n. se habent, contrariis, adversis, sive natura, sive operatione, virtute & effectu



effectu quoad quantitatem, situm, figuram, numerum &c. sive positivè, sive privativè, sive per se, sive per accidens talibus tollere. Hinc Medicus Indicantibus primariis & potissimis, causis nimirum supra adductis opponit Indicata, hæcque exequitur per materiam s. Remedia *Evacuantia*, quæ causas educunt è corpore per emunctoria ordinaria, extraordinaria, sensibilia, insensibilia, & ut vocant *Alterantia*, quæ immutant ipsas, infringunt, enervant, obtundunt, invertunt, mitigant, ligant, destruunt, in pristinũ statum reducunt. Illæ Remediorũ materiæ è triplici depromuntur Armamentario, *Chirurgico*, *Pharmaceutico*, *Dietetico*.

XXI. Ex isto: *Venesectio* sanguinis quantitatem nimiam imminuit, flatus halituosos educit, effervescentiam, motum nimium compescit, fibras ab onere, quo premuntur, liberat, qualitate peccantis causæ in plethora spuria portionem educit, stagnationem, suffocationem imminuentem tollit. Ceu autem hæc è foro medico penitus proscribenda non est, ita maximè necessaria est prudentia, quæ ejus in febribus quibusdam quotidianum abusum & inde secuturas noxas corrigat. *Arteriotomia* in altero tempore eadem, imò citius sæpè præstat commoda, quæ V. S. Nec tantum apparatus & tantam curam, ut hinc inde præscribitur, requirit. *Cucurbitula* scarificatæ humorum imminuunt quantitatem, in glandulis cutis miliaribus stagnantes movent, motum p. n. refrænant. Non scarificatæ, flatus vapores educunt, discutunt, spiritus & humores avertunt. *Hirudines* variis locis, imprimis hæmorrhoidibus, quarum fluxus antea familiaris erat, affixæ sanguinem exuentes, quantitati ejus, fervori, orgasmo, etiam stagnationi opponuntur. *Ulceræ artificialia* simplicia & duplicia, dum cum sero varias fordes & heterogeneas educunt particulas, qualitatis & motus vitia corrigunt. *Inustiones*, *Sinapiismi*, *Vesicatoria* juvant, non solum educendo serum & halitus, sed & spiritus in ordinem colligendo, revocando, aliorum trahendo, acribus, volatilibus urentibus particulis causam morbificam emendando. *Frictiones* spiritus aliò vocant, sanguinem nimis motum refrænant, stagnantem movent, insensibilem transpirationem juvant, flatus, vapores, humores, dispergunt, educunt. *Ligatura* irruentem compescere sanguinem, *dolorifica* avertere spiritus & avertere humores valent.



XXII. Ex *Illo*: *Evacuantia*. In specie, *Purgantia*, tam per superius, quàm inferius guttur infusa, quantitatem flatuum & humorum p. n. imminuunt, quædam qualitate irreducibili peccantia educunt, secundariò qualitatis, motus & loci vitia tollunt. *Vomitoria* eodem modo juvant, præsertim, cum mali fomes in ventriculo hæret. Ceu utraque plurimas cautelas in exhibitione & administratione, quà an & quà quomodo, poscunt, ita quoti- diè maximus circa illa cum insigni ægrorum damno committi- tur abusus. *Diuretica* non solum per vias educunt urinarias, sed & simul attenuant, promovent, resolvunt, incidunt. *Diaphoretica* educunt quoscunque flatus, vapores, humores tenues, quan- titate, qualitate irreducibili & reducibili peccantes, simul & e- mendant viscidos stagnantes humores, nimis tenuium hetero- geneas particulas corrigunt, motum & ebullitionem particula- rum placidiorem reddere valent, & hac ratione occasionem præ- bent particulis resolutis, ut rursus connubium ineant, & inter se misceantur: dein amicabili æthere, ut loquuntur, per eorundem constantes poros fluente, particulas sanguinem resolventes aut destruunt, aut extra vasa propellunt, ut & mixtas particulas rur- sus in globulos dividunt, & sanguinem regenerare faciunt: præ- terea, sedato quodammodo bello illo intestino sua particularum constantia obstructions (si adsunt) aggrediuntur, easque rese- rant, & inflammationem (si adest) aut latibulum tollunt. Mul- tum hæc juvant in febribus, nec tamen semper sufficiunt, nec semper prosunt. Potissimum verò prospiciat Medicus, necesse est, ut debita exhibeat sudorifera in hac vel illa febris specie. Da- tur enim febris, quæ diaphoretica, spirituosæ, volatilia, oleosa, aromatica, educta, elicitæ, separata, datur quæ talia in integris adhuc contenta, datur quæ volatilia, lixiviosa, urinosa, datur quæ fixa, terrea, datur quæ acida datur quæ salina requirit. Agunt quædam Diaphoretica attenuando, rarefaciendo, resolvendo, quædam præcipitando, absorbendo, invertendo, vim spirituum tumultuantem simul sedando, quædam sanguinis & feri partim coagulationem, partim fusionem promovendo, quædam inci- dendo. Interna & externa solent esse sudorifera. *Errbina*, *apople- gmatizonta* educatione muci, salivæ, sputi varia massæ sanguinæ educunt recrementa.



XXIII. *Alterantia*: In subiecta qualitatum agentia, non simplicis tantum, sed & amari, acerbi &c. crasin singularem, systasin, texturam & alia adjuncta, particularum p. n. mutantia, fermenta p. n. tollentia, destruuntia, imminuentia. Inter hæc primo occurrunt, ita dicta. *Refrigerantia*. Hæc (ut iterum cum variis Authoribus variè loquamur) constant ex aqua & terra prædominante, calorem excessivum nimium temperant, mitigant, demulcent, tollunt, non continuant, poros angustiores reddere, particulas lentore quodam obvolvere, visco quasi obducere, ligare solent, tales poros & particulas habent, quæ non facilè agitantur; & agitationem seu motum utrumque, impetum, organum particularum sanguinis & corporis nostri impedire, sistere, vel tardare possunt, in concentrativum calidis adversum motum rigidâ hinc particularum corpuscularium propius invicem collifarum textura & compage enascente agunt, salinas, acidas, inversas vel fluorem adeptas potissimum continent particulas, calidas, dictas particulas aut in exigua justo minori quantitate aut sub aliarum contrariarum jugo ac dominio constitutas possident, copiosas, sulphureas, acres, aliasque æstum causantes emendant, coërcent, sistunt, imminuunt, sanguinem concentrant, debitæ consistentiæ reddunt, Archeum humanum efferum subigunt, vel fugant, vel ad quietem reducunt, & à furore remittunt, spiritus in corpore nostro inquietos, turbatos, irritatos, ferocientes, furentes demulcent, in ordinem redigunt, mitigant, domant, quasi ligant, vapores condensant, sanguinem nimis effervescentem, nimis se expandentem compescunt, cogunt, quasi corrugant, nimis fluxilem coagulant, orgasticè motum leniendo componunt, nimis tenuem incrassant, nimis volatilem figunt, ebullientem refrænant, accensum extinguunt, humores nimium spirituosos, volatiles, tenues ad debitum fixationis gradum reducunt, acres mitigant, fibras debitæ crasi, tono ac texturæ restituant, dolores levant. Sunt & inter hæc Acida. Nemo autem, speramus, de nobis præsumet, eò horum usum nos extendere, ut flamma vitalis decrescat aut extinguatur. Sunt & alia, quæ secundariò, dum causam caloris invertunt, tollunt, refrigerare dicere possis, dum particulas biliosas, volatiles, sylvestres, lixiviosas,



viosas, alcalicas, effervescentes, sulphureas, æstuentes, nimium motas refrænant, coërcent, deprimunt, demulcent, ligant, figunt, coagulant, diluunt, humectant, acida effervescentiæ causas obtundunt, enervant, ad resolutionem, exhalationem & transpirationem modò dictarum particularum quocunque modo faciunt, obstructions aperiunt, effervescentiam p. n. & inde ortum calorem tollunt, subtractis aut inversis particulis illius effervescentiæ causis, *Præcipitant*.

XXIV. *Præcipitantia* (commune retinebimus nomen) ad remedia Alterantia Composita non malè à Quibusdam relata, nec etiam ineptè ad Refrigerantium classem modo dicto deducta, an verè *Præcipitantia* dicantur, an positivè an privativè præcipitent, laxè an strictè dicta talia sint &c. non disputabimus. Miti-gant, corrigunt, obtundunt, occultant acrimoniam, non acidam solùm sed & aliam, spicula varia glutine obvolvunt, ramosis particulis implicant, spiritus feroces compescunt, humorum organum refrænant, fibras roborant, spasticè contractas, constrictas demulcent, restituunt, partim quid patiendo, partim agendo effervescentes ex quacunque causa variè humores coërcent, domant, deprimunt, acidorum, gladiolorum, tetrahedricorū cum alcalicis, polyhedricis, uncinulorum & acuminatorum aliorum congressum ac pugnam dissolvunt, sedant, subintrant ipsa fluida imò & solida in corpore eadem quà texturam, systasin inde & crasin immutantia, fermenta morbifica destruunt, continua & heterogenea dividunt, contigua segregant, & particulas contra homogeneas congregant, efficiunt, ut faciliè adversa aut sensibilibiter, vel per alvum, vesicam, glandulas subcutaneas aut alias vias aut insensibiliter exterminari possint, ut ita Natura turbata & oppressa suas iterum recolligat vires, adeòque coctionem promoveant, id est, partes exæstuentes, effervescentes ad separationem, secretionem, excretionem disponunt. Cùm autem amplius præcipitantium vulgò sic dictorum sit campus, certis sunt includenda classibus. Sunt enim vel *Absorbentia*, *Imbibentia* terrea, calces, lapides, cornua &c. vel *Demulcentia*, mucilaginosà, gelatinosa, vel *Destruentia*, lixiviosa, fixa, vel *Figentia*, papaverea, opiata, vel *Infringentia*, acida, vel *Invertentia*, enixa, nitrata, vel



*Temperantia, Diluentia, Humectantia, Emollientia.* Trahuntur huc etiam *Volatilia* urinosa & oleosa, dispergentia, discutientia, balsamica virtute ac fragrante odore suo suppressos & tenebricosos spiritus fuscitantia, refocillantia ac erigentia, simul & diaphoretica, oleositate, subtiles particulas salinas acres oblinentia, obtundentia, unà secum figentia.

XXV. Præter dilutionis, temperationis, ut modò dictum, intentionem & *Humectantia* requiruntur, quæ lympham deficientem restaurant, augent, corpuscula sulphurea, acria inviscunt, obtundunt, irretiunt, mitigant, particulis aqueis, mucilaginosiis, succulentis, pulposis, carnosis, humidis, oleosis in corpus nostrum agunt, non sub respectu nutritionis, sed alterationis rigidas & quiescentes corporis particulas oblongas reddere, flectere, & inter se movere possunt, particulas liquoris stabilium corporum poris intrudunt, coagulationis & arefactionis causas submovent, demulcendo, oblinendo, infarciendo, Archéum sive spiritum movent, ut absque acrimoniæ aut ardoris sensu corporis substantia turgescat, lympa ac serum restituantur. Causæ morbificæ impetum retardant, simul uno & altero modo dicto juvant *Adstringentia*. *Calefacientia*, si in usum trahenda Indicantia lege Medendi Methodi possunt, spirituosâ, aromatica, volatilia, penetrantia, tenuibus partibus prædita, spirituum defectum restaurant, crudas, indigestas, minùs activas, fixas, viscidas, inertes &c. particulas corrigunt, volatilizant, attenuant, fuscitant &c. obstructos poros referant, stagnantes humores promovent, lentorem emendant, fibras nimis laxas solantur, in statum naturalem reducunt, illisque etiam, quos thes. 22. & 24. diximus, modis agunt: Vel integra, terrestribus & aliis frænâ aut fœcibus implicita, vel elicita.

XXVI. *Cardiaca, sive Confortantia, Reficientia, Roborantia* sunt ea, quæ spiritus consolantur, mala ventriculi tollunt, partibus tenuibus penetrantibus spiritus & alias etiam corporis partes reficiunt, restaurant &c. plura etiam ex iis, quæ in Refrigerantium (nonnunquam & Calefacientia hac intentione allicienda) classe continentur. Ea iidem, quæ causam morbificam labefactant, tollunt. Lapidés Philosophorum, Aura potabilia, Panacæas &c. non anhelamus. *Specificæ* antifebrilia non agunt specificè aut occultè, sed omnium ipsorum, si reverà talia sunt, ratio reddi potest. Specialiora Alterantia nostrum transcendunt scopum.



XXVII. *Externa* seu Universalia, seu Particularia, vel attenuant, movent in oscillis vasorum subcutaneorum & glandulis miliaribus stagnantem lentum mucum, vel fermentationem p. n. compescunt, fibras distortas, constrictas, spasticè motas solantur, in pristinum statum deducunt, fermenta quævis heterogenea, seu peccantes vel in massâ sanguineâ vel hîc & ibi particulas educunt, emendant, enervant.

XXVIII. *Amuleta* verò, Annulos, Sigilla, Magneticas Transplantationes, Imprecationes, Lustrationes, Schedulas, & similia cum superstitione conjuncta abesse jubemus. Juvant aliquando externa non tam suâ vi, quam ob confidentiam ægri; Ipsis sæpè adscribitur effectus, qui vel ab aliis remediis, vel à morbi tempore contigit.

XXIX. *In Genere* hæc de Curatione dicta sunt. In *Specialibus* enim febribus, quâ singula adducta remedia in se, tùm quâ eorum administrationem maximâ cautione, summâ prudentiâ opus est. Non diversæ solum febres, diversa subjecta, sed & diversa febrium tempora, imò sæpè horæ, diversa poscunt remedia. Qui *febrim sistunt*, sive licitis, sive illicitis modis, tempore alio quam quo solvi illam convenit, certo certius alium morbum corpus brevi ab inde tempore invasurum, vel recidivam secuturam sciant.

XXX. *Ex Hoc*: Aër temperatus & calidus quovis modo procuretur, non nimis æstuans, fervidus sit; Frigefactum communiter suadent, sed non conducit. Non turbetur ab hominum turba magna in cubili versante. Ad cibum capiendum non sunt urgendi ægri; Victus genus causæ opponatur morbificæ, & ad refectionem, restaurationem roscidi nutrimenti dirigatur. Consuetudo multum hic habet imperii. *Febrim cibo aridè experiri*, à salubritate vel insalubritate præscindendo, ad satietatem comesto aliquando ob spirituum quasi exultationem, expletum desiderium, refectionem abigi ceu non negamus: Ita in principio hoc modo nunquam fugari scimus, in statu imò declinatione autem cum cessat, non semper isti desiderii expletioni, sed sæpius aliis remediis, simul aut antea in usum ductis, aut quòd jamdum spontè morbus desierit, deberi censemus. Potus omnes inebriantes, multum aromatizzati rarò prosunt, parcè quidem exhibiti, frequentissimè nocent. Quâ motum, jactatio frequens in lecto singulariter nocet febricitantibus, transpirationem enim tam sensilem quàm insensilem impedit. Quâ reliquas res non-naturales, ex thesi 15., quid noceat, patet; hinc vitanda talia, & contraria observanda suademus.

T A N T U M!

SIT DEO LAUS, HONOR  
&  
GLORIA.